



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Informacija o rezultatima ankete o inflacijskim očekivanjima iz septembra 2023.godine



Inflacija je ponovo postala jedan od ključnih makroekonomskih indikatora i u posljednje dvije godine znatno utiče na sva ekonomska kretanja u BiH i u svijetu. U cilju boljeg sagledavanja inflacijskih kretanja, CBBiH sprovodi kvartalnu Anketu o inflacijskim očekivanjima, koju analizira i prati iz perioda u period, te donosi zaključke o inflacijskim očekivanjima za tekuću godinu (2023.), kao i očekivanjima za narednu godinu (2024.). Učesnici Ankete u septembarskom krugu su opet bili predstavnici finansijskog sektora, komercijalne banke i osiguravajuća društva u BiH, i njihovo sudjelovanje je od ključne važnosti za rezultate ove ankete.

Rezultati ankete sprovedene u septembru 2023. godine ukazuju na relativno ublažavanje kratkoročnih inflacijskih očekivanja za tekuću godinu. Očekivana agregirana inflacija za tekuću 2023. godinu iznosi 7,9%, što je niže od očekivanja iskazanim u junu 2023. godine, kada su učesnici u anketi predviđali prosječnu inflaciju od 8,3%.

Inflacijska očekivanja za 2024. godinu u ovom krugu anketiranja iznose 5,2%, što je nešto blago niže nego očekivanja u junskoj anketi, ali govori da učesnici očekuju nastavak rasta cijena i ne očekuju brzo eliminisanje inflacije.

Rezultati ankete sugerišu da su očekivanja da će inflacija do kraja godine imati blagu tendenciju pada, s tim da je i dalje na mnogo višem nivou od višegodišnjeg prosjeka.

